



REPUBLIKA E KOSOVËS / REPUBLIKA KOSOVA

GJYKATA THEMELORE FERIZAJ

Numri i lëndës: 2024:021176

Datë: 14.06.2024

Numri i dokumentit: 05825978

2024:031094

NË EMËR TË POPULLIT

GJYKATA THEMELORE NË FERIZAJ – Departamenti i Përgjithshëm Penal, si gjykatë e shkallës së parë penale me gjyqtaren e vetme gjykuese Mimoza Shabani, me bashkëpunëtorin profesional Shkelzen Polloviqi në çështjen penale kundër të akuzuarit A.I me vendbanim në rrugën “... ” në Ferizaj, për shkak të veprës penale lëndim i lehtë trupor nga neni 185 par.1 lidhur me par. 1.4 të KPRK-ës, sipas aktakuzës së Prokurorisë Themelore në Ferizaj – Departamenti i Përgjithshëm e evidentuar si: PP/II.nr.35/24 e datës 25 Janar 2024, pas shqyrtimit fillestar dhe publik të mbajtur me datë 03 Qershor 2024 në praninë e Prokurorit të shtetit Ibadete Hamiti, si dhe të akuzuarit, me datë 03 Qershor 2024 mori dhe publikisht komunikoi, ndërsa me datë 14 Qershor 2024, përpiloi me shkrim këtë:

A K T G J Y K I M

I akuzuari:

A.I, nga i ati S... dhe e ëma B... e gjinisë S..., e lindur më ..., në Ferizaj, me vendbanim në rrugën “...”, ka të kryer shkollën e mesme, i gjendjes së mesme ekonomike, i martuar, baba i pesë fëmijëve, shqiptar, shtetas i Republikës së Maqedonisë me nr.personal

ËSHTË FAJTOR

Sepse:

Me 31 dhjetor 2023, rreth orës 14:12 në Ferizaj, në lokalin e “H.P.”, afër “R.M.”, me dashje i shkakton lëndime të lehta trupore të dëmtuarit A.TH, në atë mënyrë që pas një mosmarrëveshje së kishin pasur rreth 2 muaj më parë, derisa i pandehuri kishte qenë duke pirë kafe, ka hyrë i dëmtuari për të marr një kafe, atëherë i pandehuri është ngritur në këmbë e ka kapur për të dy duart dhe me kokë e ka goditur të dëmtuarin në hundë, me ç’ rast i dëmtuari pëson lëndime të lehta trupore me pasoja të përkohshme për shëndetin,

- **me të cilin veprim ka kryer veprën penale lëndim i lehtë trupor nga neni 185 par.1, nënpar.1.4 lidhur të KPRK-ës.**

Andaj, Gjykata në bazë dispozitës së lartë shënuar si dhe neneve 2, 4, 7, 8, 17, 38, 39, 40, 43, 69 dhe 70 të KPRK-së, si dhe në bazë të neneve 364, 368, 452,462, të KPP-së, të akuzuarin A.I e,

G J Y K O N

Dënim me gjobë në shumë prej 400 € (katërqind euro), të cilën gjobë është e obliguar ta paguaj në afat prej 30 (tridhjetë) ditëve, pasi që aktgjykimi të merr formën e prerë.

Nëse dënimi me gjobë nuk mund të ekzekutohet as në mënyra të tjera të parapara me nenin 43 par. 3 të KPRK-ës, i njëjti do të zëvendësohet me dënim me burgim, ku do të ekzekutohet në atë mënyrë që për çdo 20 € /njëzetë euro/ të gjobës së pa paguar, do t’i llogaritet me 1/një/ ditë burgimi.

I dëmtuari A.TH, me vendbanim në rrugën “...” në Ferizaj, udhëzohet në kontest civil për realizimin e kërkesës pasurore-juridike.

Obligohet i akuzuari që në emër të shpenzimeve të paushallit gjyqësor të paguaj shumën prej 20 /njëzetë/ Euro, si dhe në bazë të nenit 36 par. 3 pika 3.1 të ligjit Nr. 08/L-109 dhe nenit 449 par 2 nënpar 2.9 të KPPK-së për kompensimin e viktimave të krimit, të paguaj shumën prej 30 Euro /njëzet/, të gjitha brenda afatit prej 30 ditëve, pasi që aktgjykimi të merr formën e prerë, ose do të bëhet përmbarimi i detyruar sipas detyrës zyrtare.

A r s y e t i m

Historiku procedurës dhe aktakuza

Gjykata Themelore në Ferizaj – Departamenti i Përgjithshëm Penal, me gjyqtaren e vetme gjykyese në çështjen penale kundër të akuzuarit A.I me vendbanim në rrugën “...” në Ferizaj, për shkak të veprës penale lëndim i lehtë trupor nga neni 185 par.1 nënpar.1.4 të KPRK-ës, sipas aktakuzës së Prokurorisë Themelore në Ferizaj – Departamenti i Përgjithshëm e evidentuar me numër: PP/II.nr.35/24 e datës 25 Janar 2024, duke vepruar në këtë çështje penale në bazë të nenit 236 dhe 240 të KPP-ës, ka mbajtur shqyrtimin fillestar me datë 03 Qershor 2024, në prezencën e prokurorit të shtetit, si dhe të akuzuarit.

Gjyqtarja e vetme gjykyese pasi ka udhëzuar të akuzuarin në bazë të nenit 241 par.1 të KPP-ës dhe pasi prokurori i shtetit ka lexuar aktin akuzues dhe pasi gjyqtarja u bind se i njëjti e ka kuptuar aktakuzës, në bazë të nenit 241 par. 4 si dhe pas njoftimit sipas dispozitave të neneve 321 dhe 319 të KPPK-ës, të njëjtit i ofroj mundësinë të pranojë fajësinë ose të deklarohet i pafajshëm.

Pranimi i fajësisë nga ana e të akuzuarit

I akuzuari me rastin e deklaramit lidhur me fajësinë apo pafajësinë për veprën penale për të cilat është akuzuar, në shqyrtimin fillestar ka theksuar se e ndien veten fajtor dhe e pranon fajësinë sipas të gjitha pikave të aktakuzës si dhe pranon fajësinë për veprimet e ndërmarra nga ana e tij, pranimin e ka bërë në mënyrë vullnetare duke qenë i vetëdijshëm për pasojat që mund të vijnë si rezultat i pranimit të fajësisë, duke shtuar se i vjen keq për këtë veprë penale andaj nuk ka pasur për qëllim që ta godas të dëmtuarin, është hera e parë që ka rënë ndesh me ligjin, ka qenë një veprim i çastit, i premtion gjykatës së më nuk do të përsërisë veprime të tilla.

Pasi që i akuzuari e ka pranuar fajësinë në shqyrtimin fillestar, gjyqtarja e vetme gjykyese duke vepruar në pajtim me nenin 242 të KPPK-së, ka kërkuar edhe mendimin e prokurorit të shtetit.

Prokurori i shtetit, me rastin e paraqitjes së mendimit lidhur me pranimin e fajësisë nga akuzuarit ka deklaruar se nuk e kundërshton pranimin e fajësisë nga ana e akuzuarit, pasi pranimi fajësisë është bërë në mënyrë vullnetare dhe në përputhje me dispozitat ligjore të nenit 242 të KPRK-së si dhe provat materiale dhe faktet e çështjes, prandaj i propozoi gjykatës që të njëjtën ta shpallë

fajtor dhe ta dënoj konform ligjit duke pasur parasysh të gjitha rrethanat lehtësuese dhe rënduese shtu që me sanksionin e shqiptuar të arrihet qëllimi i dënimit.

Vlerësimi i pranimi të fajësisë

Gjykata për të vlerësuar pranimin e fajësisë shqyrtoi me kujdes kushtet e parapara nga neni 242 par. 1 të KPPRK-së dhe me këtë rast vlerësoi se i akuzuari e ka kuptuar natyrën dhe pasojat e pranimi të fajit, pranimi është bërë vullnetarisht, pranimi i fajit mbështet në faktet dhe prova materiale të rastit konkret si dhe materialet e prezantuara nga prokurori i shtetit, dhe në provat tjera të cilat gjenden ne shkresën e lëndës siç janë: Raporti i oficerit, me numër 2023 – CF – 2928, i datës 31.12.2023, akt ekspertimi mjeko ligjor, i punuar nga eksperti mjeko ligjor Dr. F.D, me numër të referencës ../2024, i datës 20.01.2024, si dhe shkresat që gjenden në lëndë.

Me qenë se i akuzuari e ka pranuar fajësinë e cila është në përputhje me kriteret e përshkruara më lartë, gjyqtarja në bazë të nenit 242 paragrafit 6 të KPPK-së, ka vlerësuar se nuk është e nevojshme vërtetimi i ndonjë fakti relevant për shqiptimin e dënimit dhe për këtë arsye ka vazhduar me shqiptimin e dënimit.

Gjykata po ashtu vërtetoi se prokurori ka disponuar me prova të mjaftueshme për veprën penale të të akuzuarit dhe ka dhënë mendimin për pranimin e fajësisë nga ana e tij.

Gjykata vërtetoi përtej çdo dyshimi se në veprimet e të akuzuarit ekzistojnë të gjitha tiparet objektive dhe subjektive të veprës penale lëndim i lehtë trupor nga neni 185 par.2 lidhur me par.1 dhe nënpar.1.4 të KPRK-ës, meqë me datë, vend dhe kohë siç është përshkruar hollësisht në dispozitivin e këtij aktgjykimi, të dëmtuarit me dashje i ka shkaktuar lëndime të lehta trupore ashtuqë pas një mosmarrëveshje që kishin pasur rreth 2 muaj më parë, derisa i pandehuri kishte qenë duke pirë kafe, ka hyrë i dëmtuari për të marr një kafe, atëherë i pandehuri është ngritur në këmbë e ka kapur për të dy duart dhe me kokë e ka goditur të dëmtuarin në hundë, me ç' rast i dëmtuari pëson lëndime të lehta trupore me pasoja të përkohshme për shëndetin

Nga interpretimi dispozitës te nenin 185 arrihet në përfundimin se: ligjvënësi ka parashikuar një mbrojtje të posaçme juridike në drejtim të mbrojtjes së jetës dhe integritetit fizik, të personit, cenimi i të cilit pas sjell përgjegjësi penale. Këto veprime, për t'u cilësuar si vepër penale nga ligji, duhet që të kenë prekur shëndetin e personit, konkretisht funksionimin normal të trupit të

dëmtuarit, duke i sjellë dëmtime te përkohshme te shëndetit. Pos kësaj kjo veprë penale merr në mbrojtje jetën dhe trupin e njeriut. Në rastin konkret veprimet e dhunës fizike të ndërmarra nga i akuzuari janë perdorimi i forces ku të dëmtuarin e kishte kapur për duar dhe me kokë e godet në hundë duke cenuar integritetin fizik, psikosocial e ekonomik të dëmtuarit andaj me këto veprime i ka shkaktuar lëndime të lehta trupore të përshkruara në eksperizën mjeko - ligjore.

Caktimi i dënimit për të akuzuarin

Me rastin e matjes së llojit dhe lartësisë së dënimit për të akuzuarin, Gjykata vlerësoi rrethanat në kuptim të nenit 69 dhe 70 të KPRK-ës, si rrethanë veçanërisht lehtësuese vlerësoi pranimin e fajësisë për veprën penale të kryer, e cila është bërë në seancën e shqyrtimit fillestar, kërkim faljen si dhe premtimin se nuk do të përsëris më veprime të tilla, hera e parë që bie ndesh me ligjin kurse në rastin konkret si rrethanë rënduese gjeti faktin se vepra penale është kryer me dashje, ndërsa me rastin e vlerësimi të rrethanave rënduese gjykata vlerësoi intensitetin e rrezikimit apo i dëmtimit të së mirës së mbrojtur pasi që bëhet fjalë për veprë penale kundër jetës dhe trupit, ku me veprimet e tij e akuzuari i ka shkaktuar lëndime të lehta të dëmtuarës siç janë përshkruar në aktakuzë.

Mbi bazën e këtyre rrethanave, gjykata është e bindur se dënimi i shqiptuar është në harmoni me peshën e veprës penale dhe përgjegjësinë penale të të akuzuarit, duke marrë parasysh edhe faktin se i njëjti ka bërë pranimin e fajësisë, duke vlerësuar se edhe me dënim kryesor – dënime gjobë do të arrihet qëllimi i dënimit i paraparë me nenin 38 i KPRK-së, kështu që me dënimin e shqiptuar si në dispozitiv, përkatësisht dënimi i shqiptuar është plotësisht i justifikueshëm, në përshtatje me rrethanat e kryerjes, rrezikshmërinë veprës penale dhe kryesit, që do të shërbej në parandalimin të akuzuarës nga kryerja e veprave penale në të ardhmen (preventiva speciale) si dhe do të arrihet qëllimi që ti përmbaj personat e tjerë nga kryerja e veprës penale (preventiva gjenerale).

Kërkesa pasurore juridike si dhe shpenzimet procedurale

Vendimi lidhur me kërkesën pasurore-juridike është marr në kuptim të nenit 462 par. 1 dhe 2 të KPP-së, pasi që nga të dhënat e mbledhura gjatë zhvillimit të procedurës nuk paraqesin bazë të sigurt për gjykim të plotë e as të pjesërishtëm.

Vendimi mbi shpenzimet procedurës gjyqësore është marr në kuptim të dispozitës së nenit 452 par. 1 të KPPRK-së, ndërsa për kompensimin e viktimave të krimit është marrë në bazë të nenit 36 par. 3 pika 3.1 të ligjit Nr. 08/L-109 dhe nenit 449 par 2 nënpar 2.9 të KPPK-së.

Në bazë të të lartcekurave u vendos si në dispozitivin e këtij aktgjykimi.

GJYKATA THEMELORE NË FERIZAJ

Departamenti Përgjithshëm Penal,

2024:031094, i datës 14 Qershor 2024

Bashkëpunëtori profesional,

Shkelzen Polloviqi

Gjyqtarja,

Mimoza SHABANI

KËSHILLË JURIDIKE: Kundër këtij aktgjykimi mund të ushtrohet ankesë në afat prej pesëmbëdhjetë (30) ditëve, nga dita e parë e ardhshme pas pranimit të kopjes me shkrim të këtij aktgjykimi. Ankesa i dorëzohet Gjykatës Themelore në Ferizaj, për Gjykatën e Apelit të Kosovës.